

唐
音
統
籤

戊籤六

唐音統籤卷

五百九十二

李羣玉字文山澧州人性曠逸赴舉一上而止惟以吟咏自適裴休廉察湖南厚延致之及爲相以詩論薦授弘文館校書郎未幾乞假歸卒羣玉才

健邁詩筆妍麗集三卷後集五卷

唐宋志同

今編四

卷南部新書羣玉好吹筆常使家僮奏之又善急就章性喜養白鷓鴣樂贈詩妙吹應諧願工書定得鶴管題詩黃陵廟神告以二年之兆果如期發洪井專評後北齊瑣言云或云羣玉嘗假書題平調授教以其輕脫所彌下厚李善夷紙其行則清余高節之人非輕率之士也方干耶羣玉故居詩評直上昔難遇主爵寃下世未成翁限成式詩老無兒女累誰哭到泉臺亦詩人之窮者

五言古詩

烏夜啼

層波隔夢渚一望青楓林有鳥在其間達曉自悲
吟是時月黑天四野煙雨深如聞生離哭其聲痛
人心悄悄夜正長空山響哀音遠客不可聽坐愁
華髮侵旣非蜀地塊恐是桓山禽四子各分散母
聲猶至今

昇仙操

羸女去秦宮瓊笙飛碧空鳳臺閉烟霧鸞吹飄天
風復聞周太子亦遇浮丘公叢篔發天弄輕舉紫
霞中濁世不久駐清都路何窮一去霄漢上世人

那得逢

秋怨

一作悲

瑟瑟涼海氣西來送愁容
金風死綠蕙玉露生寒
松所思在滇碧無因一相逢
登樓睇去翼目盡滄
波重虛窓度流螢斜月啼幽蛩
踈紅落殘艷冷水
湘芙蓉歲暮空太息年華逐
道蹤凝情耿不寐攬
涕起踈慵

湘中古愁三首

涼風西海來直渡洞庭水
脩脩木葉下白浪連天
起蘅蘭委皓霜百草一時死
摧殘負志人感歎何

窮已

昔我觀雲夢窮秋經汨羅靈均竟不返怨氣成微
波奠桂開古祠朦朧入幽蘿落日瀟湘上淒涼吟
九歌

南雲哭重華水死悲二女天邊九點黛白骨迷處
所朦朧波上瑟清夜降北渚萬古一雙魂飄飄在
煙雨

傷思

八月白露濃芙蓉抱香死紅枯金粉墮寥落寒塘
水西風團葉下疊穀參差起不見棹歌人空垂綠

房子

我思何所在

我思何所在乃在陽臺側良宵相望時空此明月
色歸魂泊湘雲飄蕩去不得覺來理舟楫波浪春
潮白煙光皓楚秋瑤草不忍摘因書天末心繫此
雙飛翼

感興四首

子雲吞白鳳遂吐太玄書幽微十萬字枝葉何扶
踈婉變猛虎口甘言累其初一觀美新作斯瑕安
可除

唐詩系金
昔竊不死藥奔空二姪娥盈盈天上艷孤潔栖金
波織女了無語長宵隔銀河軋軋揮素手幾時停
玉梭

洞房三五夕金缸凝燄滅美人抱雲和斜倚紗窓
月沉吟想幽夢闈思深不說絃冷玉指寒含顰遠
明發

雁口一作銜邊秋寒聲落燕代先驚愁人耳顏髮
潛銷改凝雲蔽洛浦夢寐勞光彩天邊無書來相
思淚成海

穆天子

穆滿恣逸志而輕天下君一朝得八駿逐日西溟
濱寂寞崦嵫幽絕跡留空文三千閉宮艷怨絕寧
勝云武言帝軒轅乘龍凌紫氛橋山葬弓劍冥昧
竟難分不思五絃琴作歌咏南薰但聽西王母瑤
池吟白雲

驄馬

浮雲何權竒絕足世未知長嘶青海風蹀躞振雲
絲由來溼注種本是蒼龍兒穆滿不再活無人崑
閩驕若識橋躍怯寧勞羅金羈青芻與白水空笑
驚駘肥伯樂儻一見應驚耳長垂當思八荒外逐

日向瑤池

古鏡

明月何處來朦朧在人境得非軒轅作妙絕世莫
並瑤匣開旭日白電走孤影泓澄一尺天徹底涵
霜景冰輝凜毛髮使我肝膽冷忽驚行深幽面落
九秋井雲天入掌握爽朗神魄淨不必負局仙金
沙發光爛陰沉蓄靈惟可與天地永恐爲悲龍吟
飛去在俄頃

感春

春情不可狀艷艷令人醉暮水綠楊愁深窓落花

思吳宮新煖日
海燕雙飛至
愁思逐煙光
空濛滿天地

山中秋夕

與後湘西寺
講夜數句同

抱琴出南樓
氣爽浮雲滅
松風吹天簫
竹路踏碎
月後山鶴唳
定前浦荷香
發境寂良夜
深了與人
間別

漢陽春晚

漢陽抱青山
飛樓映湘渚
白雲蔽黃鶴
綠樹藏鸚鵡
憑高送春日
流恨傷千古
遐想禰衡才
令人怨黃祖

岳陽春晚

不覺春物老塊然湖上樓
雲沙鷓鴣思風日沅湘
愁去翼滅雲夢來旣指昭丘所嗟芳桂晚寂寞對
汀洲

洞庭遇秋

塵愁老朱顏久與江山隔
迢迢澄湖上洗眼見秋
色涼波弄輕棹湘月生
遠碧未滅遙客情西望杳
何極

長沙九日登東樓觀舞二首

後一首
律體

南國有佳人輕盈綠腰舞
華筵九秋暮飛袂拂雲

雨翩如蘭茗翠婉如遊龍舉越艷罷前溪吳姬停
白紵

慢態不能窮繁姿曲向終低回道簸浪凌亂雪縈
風墜珥時流盼脩裾欲遡空唯愁捉不住飛去逐
鷺鷥

登章華樓

楚子故宮地蒼然雲木秋我來覽後事落景空生
愁霸業沒荆棘雄圖成古丘沉吟問鼎語但見東
波流征鴻引鄉心一去何悠悠晴湖碧雲晚暝色
空高樓迢遞趨遠嶠微茫人孤舟空路不堪望西

風白浪翻

同張明府遊樓水亭

澄集無
趙本有

草色綠溪晚梅香生澱文雲天歛餘霽水木籠微
曛垂釣坐芳嶼幽禽時一聞何當五柳下酌醴吟
處筠

大雲池泛舟

九月蓮花死萍枯霜水清船浮天光遠棹拂翠瀾
輕古木

了無烟靄生游鱗泳皎潔洞見遺

通情漁父一曲歌滄浪遂知名未知斯水上可以

濯吾纓

湘西寺霽夜

雨過琉璃宮佳興浩清絕松風冷晴灘竹路踏碎
月月波蕩如水氣爽星朗滅皓夜千樹寒崢嶸萬
巖雪後山鶴唳斷前池荷香發境寂涼夜深神思
空飛越

宿烏遠峽化臺遇風雨

孤鶴長松顛獨宿萬岩雨龍湫在石脚引袂時一
取驚風折喬木飛焰獵窓戶半夜霹靂聲高齋有
人語

法華微上人盛話金山境勝舊游在目吟成

此篇

江上青蓮宮人間蓬萊島烟霞與波浪隱映樓臺
好潮聞梵音靜海日天光早願與靈鷲人吟經此
終老

飯僧

好讀天竺書爲尋無生理焚香而金偈一室唯巾
水所交信方外二三空門子峻籬照秋霜高標捲
僧史清晨潔蔬茗延請良有以一落喧競塗栖心
願依止奔曦入半百冉冉頽濛泥雲泛名利心風
輕是非齒尚爲情愛縛未盡金仙旨以靜制猿心

將虞瞥然起綸巾與藜杖此意真已矣他日雲壑
閒來尋龐居士

廬溪道中

曉發潺湲亭夜宿潺湲水風篁掃

一作拂

石瀨琴聲

九十里光奔覺來眼寒落夢中耳曾向三峽行巴
江亦如此

始忝四座奏狀聞薦蒙恩授富旋進歌詩延
英宣賜言懷紀事呈同館諸公二十四韻

兩鬢有二毛光陰流浪中形骸日土木志氣隨雲
風冥默楚江畔蕭條林巷空幽鳥事翔翥歛翼依

蒿蓬一飯五放筋愀然念途窮孟門在步武所向
何由逼徵諸太易言物否不可終庶期白雪調一
奏驚凡聾昨忝丞相召揚鞭指冥鴻姓名掛丹詔
文句飛天聰解薛龍鳳暑懷鈿蘭桂叢聲名仰聞
見煙漢陪高蹤峨峨羣玉山蕭蕭紫殿東神颺泛
鐘漏佳氣浮筠松自顧珉玦璞何緣偕圭璋羣賢
垂重價省已增磨礪天子棲穆清三台付雙龍九
霄降雨露萬國望時雍巍巍致君期勛華將比崇
承天四柱石巍若窺衡蒿日見帝道昇謀猷垂景
鍾寰瀛納壽域翔泳皆冲融百神儼云亭佇將告

翼笑言悲夢寐獨立想容色落景無來人修江入
天白停停倚門念瑟瑟風雨夕何處泊扁舟迢遞
滿波側秋歸舊窓竹永夜一淒寂吟爾鵲鴒篇中
宵慰相憶

將之京國贈薛員外

黃葉下空館寂寥寒雨愁平居歲華晏絡緯啼林
幽節物凋壯志咄嗟不能休空懷趙鞅歎變化良
無由所思杳何如側身仰皇州蒼烟晦楚野寒浪
埋昭丘趙壹賦命薄陳思多世憂翻然羨魚鳥暢
矣山川遊薛公龍泉姿其氣在斗牛南冠束禿髮

白石勞悲謚主袞照崇闕文儒嗣箕裘曠然方寸
地莽海浮雲舟澄浦一遺佩郢南再悲秋叫關路
既阻浩蕩懷靈修莫奏武溪笛且登仲宣樓亨通
與否閉物理相沉浮天子坐宣室夔龍奉謀猷行
常賜環去豈作遺賢羞

洞庭驛樓雪夜燕集奉贈前湘州張員外

昔與張湘州開登岳陽樓日窮衡巫表興盡荆吳
秋擲筆落郢曲巴人不能酬是時簪裾會景物窮
冥搜誤黍玳筵秀得陪文苑遊幾篇雲楣上風雨
沉銀鈎

缺八字

滄洲童兒待郭伋竹

馬空遲留路指雲漢津誰能吟四愁銀壺傲海雪
青管羅名謳賤子跡未安謀身拙如鳩分隨烟霞
老豈有風雲求不逐萬物化但貽知己羞方窮立
命說戰勝心悠悠不然蹲稽會釣下三五牛所期
波濤助燁赫呈吞舟

贈方處士

白衣方外人高閒溪中鶴無心戀稻梁但以雲泉
樂赤霄終得意天池俟飛躍歲晏入帝鄉期君在
寥廓

贈回雲

回雪舞縈盈縈盈若回雪腰支一把玉砥恐風吹
折如能買一笑滿斗量明月安得金蓮花步步承
羅襪

登宜春醉宿景星寺寄鄭判官兼簡空上人
曉發碧水陽暝宿金山寺松風洒寒雨浙瀝醒餘
醉夜中香積飯蔬粒俱精異境寂滅塵愁神高得
詩思皎皎榮陽子芳春富才義漲海溢心源冰壺
見門地碧霄有鴻序木屐聯行翅但笑一尺繩三
年絆騏驎摧藏擔簦客鬱抑襟事名業兩未從
臨風默舒氣一身眇雲嶺中夜空涕泗側枕對孤

燈衾寒不成寐糧薪極佳玉大道生榛刺恥息惡
木陰難書劍歌意揚鞭入莽蒼山驛凌烟翠越鳥
日南飛芳音願相次

洞庭入澧江寄巴丘故人

四月桑半枝吳蠶初弄絲江行好風日燕舞輕波
時去事旋成夢來歡難預期唯憑東流水日夜寄
相思

別狄佩

梁公玄孫
族于南國

翠竹不着花鳳雛長忍飢未開丹霄翮空把碧梧
枝聖人奏雲韶祥鳳一來儀文章耀白日衆鳥莫

敢窺鬱抑不自言
凡鳥何由知當看
九千仞飛出
太平時

將之吳越留別坐中文酒諸侶

秋色滿水國
江湖興蕭然
氛埃歛八極
萬里淨澄
鮮淙浦縱孤棹
吳門渺三千
迥隨衡陽鴈
南入洞庭
天早聞陸士
龍矯掌跨山川
非思鱸魚膾
且弄五湖船
暝泊遠浦霞
曉飯蘆洲烟
風流訪王謝
佳境恣迴澗
松霜翦別岸
柳香枯北池
蓮歲華坐搖落
寂寂感流年
明朝卽漂萍
離恨無由宣
相思空江上
何處金波圓

廣州重別方處士之封川久約同遊羅浮期
素秋而行二首

楚國傲名客九州徧芳馨白衣謝簪紱雲臥重巖
嶺長波飛素舸五月下南溟大笑相逢日天邊作
酒星

十年一雲雨常恨嬋容隔天末又分襟離憂鬢堪
白願回凌潮楫且著登山屐共期羅浮秋與子醉
海色

贈方處士兼以寫別

天與雲鶴情人間恣詩酒龍宮奉採覓瀕洞一千

首清如南薰綠韻若黃鍾吼喜於風騷地忽見陶
謝手籍籍九江西篇篇在人口芙蓉爲芳菲未落
諸花後所知心眼大別白開戶牖才力似風鵬誰
能笑升斗無云傲雲竹琴帙靜爲友鸞鳳戢羽儀
騏驥在郊藪鏡湖春水綠越客憶歸否白衣四十
秋逍遙一何久此身無定跡又逐浮雲走離思書
不窮殘陽落江柳

湘中別成威關黎

至哉彼上人冰霜凜規則遊心杳何境宴坐入冥
默解空與密行名臘信崇德吐論駕秋濤龍宮發

胸臆羣迷行大夜浩浩一昏黑赤水千丈深玄珠
幾人得持杯挹溟漲至理安可測寧假喻芭蕉真
成嗅薜荀松聲掃白月霽夜來靜域清梵罷法筵
天香滿衣袂何方濟了岸抵仗慈航力願與十八
賢同栖翠蓮國

將遊羅浮登廣陵楞伽臺別羽客

清遠登高臺晃朗縱覽歷濯泉喚仙風於此盪靈
魄冷光邀遠目百里見海色送雲歸蓬壺望鶴瀝
秋碧波瀾收日氣天上一作回澄寂百越落掌中
十洲點空白身居飛鳥上口詠玄元籍飄如出塵

月子系金
籠想望吹簫客冥冥人間世歌笑不足惜竭來羅
浮顛披雲鍊瓊液謝公雲岑興可以躡高跡吾將
抱瑶琴絕境縱所適

別尹鍊師

吾家五千言至道懸日月若非函關令誰註流沙
說多君飛昇志機悟徧超拔學道玉笥山燒丹白
雲穴南窮衡疑秀探藥歷幽絕夜臥瀑布風朝行
碧巖雪洞宮四百日玉籍恣探閱徒以菌螭姿緬
攀修真訣塵籠罩浮世遐志空飛越一罷基酒懽
離情滿寥泝願騎紫蓋鶴早向黃金闕城市不可

留塵埃穢仙骨

送鄭子寬棄官東遊便歸女兒

八月湖波天揚帆入秋色岷峨雪氣來寒漲瀟湘
碧子真冥鴻志不逐籠下翼九女疊雲屏於焉恣
栖息新詩山水思靜入陶謝室困醉松花春追攀
紫煙客相逢十年舊嘖笑等歡感一飯玉露蔬中
腸展堆積停食不盡意傾景悵可惜雲水一分飛
離憂洞庭側迴車三鄉路仙菊正堪摘寄謝杜蘭
香何年別張碩

送鄭京昭之雲安

君吟高唐賦路過巫山渚莫令巫山下幽夢惹雲
雨往事幾千年芬芳今尚傳空留荆王館巖嶂深
蒼然楚水五月浪輕舟入蘋煙送君揚楫去愁絕
鄧城篇

送蕭綽之桂林

時翠玉
遊豫章

蘭江佩蘭人三弄蘭江春

一作蘭香佩蘭
人弄蘭蘭江春

爾爲蘭

陵秀芳藻驚常倫粲粲鳳池裔一毛今再新竹花
不給口憔悴清湘濱一朝南溟飛彩翮不可親蒼
梧雲水晚離思空凝顰我亦縱烟棹西浮彭蠡津
丈夫未虎變落魄甘風塵大禹惜寸陰况我無才

身流光銷道路以此生嗟辛萬里濶分袂相思杳
難申桂水秋更碧寄書西上鱗

送友人之峽

東吳有賦客願識陽臺仙彩毫飛白雪不減郢中
篇楚水五月浪輕舟入暮烟巫雲多感夢桂檝早
回旋

送處士自番禺東遊便歸蘇臺別業

啞軋暮江上櫓聲搖落心寇陵三千里路指吳雲
深蓴菜動歸興忽然聞會稽南浮龍川月東下敬
亭岑多君詠逍遙結蘿碧溪陰高籠華亭鶴靜對

幽蘭琴汗漫江海思傲然抽冠簪歸與未云寂還
許應追尋二陸文苑秀峯堯懷所歛惜我入洛晚
不覩雙南金江左風流盡名賢成古今送君無限
意別酒但加斟

送魏珪覲省

木落楚色深風高浪花白送君飛一葉鳥逝入空
碧倚歟白華秀傷心倚門夕不知雲漲遙萬里看
咫尺蕭蕭青楓岸去掩江上宅離觴有黃花節物
助淒戚瀟湘入灑桂一路縈水石烟蘿拂行舟玉
瀨澣枕席多君林泉趣翫日成癖長嘯凌清暉

襟情常空

一作當雲

滌登龍屈指內飛譽甚籍籍來折

月中枝寧隨宋都鶴日余吞聲地舉足傷瓦礫見
爾一開顏溫明乃珠璧春風到雲嶠把酒時相憶
荳蔻花入船鷓鴣啼送客颺天與瘴海此去備咨
歷珍重春官英加餐數刀帛

龍山人惠石廩方及團茶

客有衡岳隱遺予石廩茶自云凌煙露採掇春山
芽珪璧相壓叠積芳萸能加碾成黃金粉輕嫩如
松花紅爐發霜枝越兒斟井華灘聲起魚眼滿鼎
漂清霞凝澄坐曉燈病眼如蒙紗一甌佛昏寐襟

南開煩絮顧渚與方山誰人留品差持甌默吟味
搖盞空咨嗟

戊籤六李羣玉之二

唐音統籤卷
五百九
十三

七言古詩

寄短書歌

骨肉萍蓬各天末十度附書九不達孤臺冷眼無
來人楚水秦天莽空濶翔鴈橫秋過洞庭西風落
日浪崢嶸三年音信凝輦外一曲哀歌白髮生

王內人琵琶引

檀槽一曲黃鍾羽細撥紫雲金鳳語萬里胡天海
塞秋分明彈出風沙愁三千宮嬪推第一歛黛傾
鬟艷闌室羸女停吹降浦簫帝娥淨掩空波瑟瑟翠

屏
幕橫雲蠟燭光銀龍吐酒菊花香皓腕翻

缺

醒起獨酌懷友

西風靜夜吹蓮塘芙蓉破紅金粉香摘花把酒弄
秋芳吳雲楚水愁茫茫美人此夕不入夢獨宿高
樓明月涼

競渡時在湖外偶爲成章

雷奔電逝三千兒綵舟盡檝射初暉喧江雷鼓鱗
甲動三十六龍衝浪飛靈均昔日投湘死千古沉
寃在湘水綠草斜烟日暮時笛聲幽遠愁江鬼

五言律詩

吾道

吾道成微哂時情付絕言
鳳考衰已甚犬也吠何
繁輕重憂衡曲妍媸慮鏡昏
方欣耳目淨誰到翟

公門

宵民

大雅無憂怨宵民有愛憎
魯侯天不遇臧氏爾何
能慘慘心如虺營營舌似蠅
誰於銷骨地一鑿玉
壺冰

杜門

且詠閑居賦飛翔去未能春風花嶼酒秋雨竹溪
燈世路夔陵谷時情驗友朋達生書一卷名利付
春冰

春寒

撥火垂簾夕將暄向冷天悶斟壺酒煖愁聽雨聲
眠處世心悠爾干晴思索然春光看已半明日又
藏烟

晝寢

筠桂晚蕭疎任人嘲宰予烏鶯林下夢風展枕前
書正作莊生蝶誰知惠子魚人間無樂事直擬到

華胥

半醉

處俗長如病看花亦似秋若無時復酒寧遣鎮長
愁漸覺身非我都迷蝶與周何煩五色藥樽下卽
浮丘

湖閣

楚色籠秋草秋光洗洞庭夕霏生水寺初月盡一作
落雲汀棹響來空澗漁歌發杳冥欲浮欄下艇一

到斗牛星

東湖二首

書音覽後

卷五百九十三

三

戈

晚景微雨歇，逍遙湖上亭。
波閒魚弄餌，樹靜鳥遺翎。
性野難依俗，詩玄自入冥。
何由遂蕭灑，高枕對雲汀。

雨氣消殘暑，蒼蒼月欲升。
林間風捲簾，欄下水搖燈。
迥野垂銀鏡，層巒挂玉繩。
重期浮小楫，來摘半湖菱。

洞庭風雨二首

面南一片黑，俄起北風顛。
浪濑巴陵樹，雷燒鹿角田。
在青草北魚龍方鱖蕩，雲雨正喧闐。
想楮君山日，秦皇怒赫然。

巨浸吞湘漑西風忽怒號水將天共黑雲與浪爭
高羽化思乘鯉山漂欲林菴陽鳥猶矚翅直恐濕
蟠桃

九日越臺

旭日高山上秋天大海隅黃花羅榼枚絳實簇茱
萸病久歡情薄鄉遙客思孤無心同落帽天際望
歸塗

登蒲澗寺後二巖三首

南越志菑蒲澗在熙
安縣東北咸安中姚

咸甫于澗側遇道人曰
此菑蒲安期生所種

五仙騎五羊何代降茲鄉澗有堯年韭山餘禹日

糧榷臺籠海色草樹發天香浩笑波光裏浮溟典

甚長

典密口堯時天降精于庭道非感百陰爲菖蒲南越志大禹取藤根爲糧飢年人食之名

糧餘

行盡崎嶇路驚從汗漫遊青天豁眼快碧海醒心
秋便欲尋河漢因之犯斗牛九霄身自致何必遇

浮丘

一作揚帆赴飛鳥一濟日遙舟

南溟吞越絕極望碧鴻濛龍度潮聲裏雷喧雨氣
中趙佗丘壠滅馬援鼓蓋空遐想魚鵬化開襟九
萬風

遊玉芝觀

尋仙向玉清獨倚雪初晴木落寒郊迥烟開疊嶂
明片雲盤鶴影孤磬雜松聲且共探玄理歸途月
未生

旅泊

搖落江天裏飄零倚客舟短篇纔遣悶小醜不供
愁沙雨潮痕細林風月影稠書空閑度日深擁破
貂裘

石頭城

霸業隨流水寒蕪上古城長空橫海色斷岸落潮
聲八極悲扶柱五湖未止傾東南天子氣掃地入

函京

桑落洲

九江寒露夕微浪北風生浦嶼漁人火蒹葭鳧鴈
聲頽雲晦廬岳微鼓辨湓城遠憶天邊弟曾從此
路行

法性寺六祖戒壇

初地無階級餘基數亦低天香開茉莉梵樹落菩提
警俗生真性青蓮出淤泥何人得心法衣鉢在
曹溪

雲安

灘惡黃牛吼城孤白帝秋水寒巴字急歌迥竹枝
愁樹倚荆王館雲昏蜀客舟瑤姬不可見行雨在
高丘

與濮陽夏侯吳三山人夜話

靜談雲霧趣高會兩三賢酒思彈琴夜茶芳向火
天鬼裘堆膝暖鳩杖倚床偏各厭池籠窄相看意
浩然

九日陪崔大夫宴清河亭

玉醴泛金菊雲亭敞玳筵晴山低盡浦斜鴈遠書
天謝眺離都日殷公出守年不知瑤水宴誰和白

雲篇

近見去年聖製黃菊聯句

長沙陪裴大夫登北樓

巖嶂隨高步，琴樽奉勝遊。金風吹綠簾，湖

一作水

入朱樓。朗抱雲開月，高情鶴見秋。登臨多暇日，非爲賦消憂。

湖閣曉晴寄呈從翁二首

嶺日開寒霧，湖光蕩霽華。風鳥搖徑柳，水蝶戀幽花。蜀國地西極，吳門天一涯。輕舟欄下去，點點入湘霞。

高秋憑遠檻，萬里看新晴。重霧披天急，閑

一作雲

觸石輕湖山四五點湘鴈兩三聲遙想潘園裏琴
尊興轉清

經費拾遺所居呈封員外

補

雲臥竟不起少微空隕光惟應孔北海爲立鄭公
鄉舊館苔蘚合幽齋松菊荒空餘書帶草日日上
階長

贈元紱

相逢在總角與子卽同心隱石那如玉披沙喜遇
金蘭秋香不死松晚翠方深各保芳堅性寧憂霜
霰侵

中秋度江驛示韋益

莫惜三更坐難消萬里情同看一片月俱在廣州
城淚逐金波滿魂隨夜鵲驚支願鄉思斷無語到
鷄鳴

臘夜霽雪月彩交光開閣臨軒竟睡不得命
童僕吹笙數曲獨引一壺奉寄江陵副使杜
中丞

月華臨霽雪皓彩射貂裘桂酒寒無醉銀筵凍不
流懷哉梁苑客思作剡溪遊竟夕吟瓊樹川途恨
阻修

中秋夜南樓寄友人

海月出白浪湖光射高樓
朗吟無綠酒賤價買清秋
氣冷魚龍寂輪高星漢幽
他鄉此夜客對景錢多愁

將之番禺留別湖南府幕

本乏烟霄志那隨鴛鴦遊
一枝仍未定數粒欲何求
溟漲道塗遠荆吳雲一作幕
雪愁會登梅嶺翠南

蕭入炎州

廣江驛餞筵留別

別筵欲盡秋一醉海西樓
夜雨寒潮水孤燈萬里

舟酒飛鸚鵡重歌送鷓鴣愁惆悵三年客難期此處遊

送房處士開遊

注

一作採

藥陶貞白尋山許遠遊刀圭藏妙用巖洞

契冥搜花月三湘水琴樽一葉舟羨君隨野鶴

一作

性長揖稱梁慙

湘陰縣送遷客北歸

不須留意故重遣世人疑瘴染而如藥愁熏頭似
絲黃梅住雨外青草過湖時今日開湯網冥飛亦
未遲

送秦鍊師

紫府靜沉沉松軒思別琴水流寧有意雲泛本無
心錦洞桃花遠青山竹葉深不因時賣藥何路更
相尋

傷友

玉棺來九天鳧舄掩窮泉蕪沒池塘興淒涼翰墨
筵短期存大夢舊好委浮烟我有幽蘭曲因君遂
絕絃

長沙開元寺昔與故長林許侍御題松石聯
句

墻陰數行字懷舊慘傷情薜荔侵年月莓苔壓姓名
逝川前後水浮世短長生獨立秋風暮凝壑隔
郢城

石緒

古岸陶爲器高林盡一焚
焰紅湘浦口烟濁洞庭
雲迥野煤飛亂遙空爆響聞
地形穿鑿勢恐到祝融墳

初月二首

灑灑流光淺娟娟泛露輕
雲間龍爪落簾上玉鉤
明桂樹枝猶小仙人影未成
欲爲千里別倚鏡獨

含情

凝顰立戶前細語向娟娟
破鏡徒相問刀頭恐隔
年輕輕搖遠水脉脉下春烟
別後春江上隨人何處圓

七月十五夜看月

朦朧南溟月洶湧出雲濤
下射長鯨眼遙分玉兔
毫勢來星斗動路越青冥
高竟夕瞻光彩昂頭把
白膠

中秋越臺看月

海雨洗塵

一作烟

埃月從空碧來水光籠草樹練影

掛樓臺皓耀迷鯨日晶瑩失蚌胎宵分凭檻望應
合見蓬萊

北風

病髮乾垂枕臨風強起梳蝶飛蒐尚弱蟻鬪體猶
虛瘦骨呻吟後羸容几杖初庭幽行藥靜涼景翠
筠疎

佳人故居琪樹

一作桂州經
佳人故居

種樹人何在攀枝空嘆嗟人無重見日樹有每年
花舊院雀聲暮半庭春影斜東風不知恨滿地落
餘霞

贈花

酒爲看花醞花須稱酒紅莫令芳樹晚使我綠樽
空金谷園無主桃源路不通縱非乘露折長短盡
隨風

臨水薔薇

堪愛

恨一作

復堪傷無情不久長浪擗千臉笑風舞

一叢芳

身一作身香

似濯文君錦如啼

窺一作

漢女粧所

思雲雨外何處寄馨香

新荷

田田八九葉散點綠池初嫩碧纔平水圓陰已蔽

魚浮萍遮不合弱荇繞猶踈半在春波底芳心卷
未舒

晚蓮

露冷芳意盡稀踈空碧荷殘香隨暮雨枯葢墮寒
波楚客罷靛服吳姬停櫂歌涉江無可寄幽恨竟
如何

早鴻

木落波浪動南飛聞夜鴻參差天漢霧嘹唳月明
風野水蓮莖折寒泥稻穗空無令一行侶相失五
湖中

池州封員外郡齋雙鶴丹頂霜翎仙態浮曠
罷政之日因呈此章

瀟酒二白鶴對之高興清寒溪侶雲水朱關伴琴
笙顧慕稻梁惠超遙江海情應携帝鄉去仙闕看
飛鳴

失鶴

瑤臺烟霧外一去沒還心一作從昔
有還心暗一作清海蓬

壺遠秋風碧落深墮一作
墮翎留片雪雅操入孤琴

不一作是篋中物雲羅更莫一作
莫更尋

五言排律

中秋維舟若山看月

集分爲二首誤

汗漫鋪澄碧，朦朧吐玉盤。
雨師清滓穢，風后掃波瀾。
氣射繁星滅，光籠八表寒。
來從雲漲迥，路上碧霄寬。
熠燿遊何處，蟾蜍食漸殘。
棹翻銀浪急，林映白虹橫。
練彩連河曉，水輝壓樹乾。
夜深高不動，天
下仰頭看。

三月五日陪裴大夫泛長沙東湖

一作張又兼詩

上巳餘風景，芳辰集遠坰。
綵舟浮滉

浩

一作蕩繡鼓

下娉婷，林樹回葱蒨，笙歌轉杳冥。
湖光迷翡翠，草色醉蜻蜓。
鳥弄桐花日，魚翻穀雨萍。
從今留勝會

誰看畫蘭亭

龜

靜養千年壽重泉自隱居不應隨跛鱉寧肯滯凡
魚靈腹唯玄露芳巢必翠藻揚光翰蚌蛤犇月恨
蟾蜍曳尾辭泥後支床得水初冠山期不小鑄印
事寧虛有志酬毛寶無心畏豫且他時清洛汭會
薦帝堯書

茂籙六李羣玉之三

唐音統籙卷

五百九十四

七言律詩

自遣

翻覆升沉百歲中前途一半已成空
浮生暫寄夢中夢世事如聞風
裏風修竹萬竿資閒寂

一作古酒落

書千卷要窮通一壺濁酒暄和景
誰會陶然失馬

翁

湖寺清明夜遣懷

柳暗花香愁不眠
獨凭危檻思悽然
野雲將雨度微月
沙鳥帶聲飛遠天
久向飢寒拋弟妹
每因時

節憶團圓飢食冷酒明年在未定萍蓬何處邊

長沙紫極宮夜雨愁坐

補

獨坐高齋寒攤衾洞宮臺殿宿沈沈春燈合思靜
相伴夜雨滴愁更向深窮達未知他日事是非皆
到此時心羈縻摧剪平生志抱膝時爲梁父吟

九日

年年羞見菊花開十度悲秋上楚臺半嶺殘陽銜
樹落一行斜鴈同人來行雲永絕襄王夢野水偏
傷宋玉才絲筦闌珊歸客盡黃昏獨自咏詩迴

長沙陪裴大夫夜讌

補

此首新見

長沙

東山夜宴酒成河銀燭熒煌照綺羅四面雨聲籠
笑語滿堂香氣泛笙歌泠泠玉漏初三滴灑灑金
觴已半醺共向柏臺窺雅量澄陂萬頃見天和

將欲南行陪崔八宴海樞亭

前見于許渾
卷內缺後

朝宴華堂暮未休幾人偏得謝公留風傳鼓角霜
侵戟雲卷笙歌月上樓賓館盡開徐孺榻客帆空
戀李膺舟謾誇書劍無歸處水遠山長步步愁

廣州陪涼公從叔越臺宴集

一選松梢踏石梯步窮身在白雲西日銜赤浪金
車沒天拂滄波一作翠幕低高鳥四一作飛鷺大

旆長風萬里卷秋聲
玉鈎挂海笙歌合珠履
三千半似泥

九日巴丘楊公臺宴集

淒淒霜日上高臺
水國秋深客思哀
萬疊銀山寒浪起
一作一行斜字早鴻來
誰家搗練孤城暮
何處題衣遠信回
江漢路長身不定
菊花三笑旅萍

開

石門韋明府爲致東陽潭鱸膾

錦鱗啣釣

解作

出清漣煖日江亭動
鱸筵疊雪亂

飛消筋底散絲繁
酒拂刀前太湖浪
說朱衣鮒漢

浦休誇縮項鰓俊味品流知第一
更勞霜橘助芳鮮

金塘路中

山連楚越復吳秦蓬梗何年是住身
黃葉黃花古城路秋風秋雨別家人
冰霜怯度商於凍桂玉愁居帝里貧
十口繫心拋不得每回回首卽長聲

仙明

今作賦

洲口號

長愛沙洲水竹居暮江春樹綠陰初
浪翻新月金波淺風損輕雲玉葉踈
半浦夜歌聞盞漿一星幽火照文魚
二年此處尋佳句景物常輸楚客書

秣陵懷古

野花黃葉舊吳宮
六代豪華燭散風
龍虎勢衰佳氣歇
鳳凰名在故臺空
市朝遷變秋蕪綠
墳壠高低落照紅
霸業隳岡人去盡
獨來惆悵水雲中

黃陵廟

小姑

一作瓜

洲北浦雲邊
二女明粧共儼然
野廟向

江春寂寂古碑無
字草芊芊迴風日暮吹芳芷
落月山深哭杜鵑
猶似含顰
黛凝愁 作 黛

隔湘川

玉真觀

高情帝女慕飛鸞
紉髮初簪玉葉冠

玉真公主下
世冠時人莫

詞其
價

秋月無雲生碧落
素蕖含露出清瀾
層城烟

霧將歸遠浮世塵埃久駐難
一自簫聲飛去後洞
宮深掩碧瑤壇

盧逸人隱居

碁局茅亭幽澗濱
竹寒江靜遠無人
村梅尚斂風
前笑沙草初偷雪
後春鵬鷗喻中消
日月滄浪歌
裏放心神平生自有烟霞志
久欲拋身狎隱淪

尉綿州于中丞書信

一緘垂露到雲林
中有孫陽念驥心
萬木自凋山

不動百川空旱海長深風標想見瑤臺鶴詩韻如

聞淥水琴他日縱陪池上酌已應難到暝猿吟

渴疾

漸加酒
戶日減

江樓閣望懷關內親知

搖落江天欲盡秋遠鴻高送一行愁音書寂絕秦

雲外身世蹉跎楚水頭年貌暗隨黃葉去時情深

付碧波流風淒日冷湘光

一作
江湖

晚駐目寒空獨倚

樓

獻王中丞

時在
除拜

登仙望絕李膺舟從此青蠅點遂稠半夜憤吹牛

斗動二年門掩雀羅愁張儀會展平生舌韓信那
慙跨下羞他日圖勳盡麟閣定呈肝膽始應休

涼公從叔祭廣利王廟

龍驤伐鼓下長川直濟雲濤古廟前海客歛威驚
火旆天吳收浪避樓船陰靈向作南溟主祀典高
齊五岳肩從此華夷封域靜潛薰玉燭奉堯年

規公業在淨名得甚深義僕近獲顧長康月
宮真影對戴安道所畫文殊走筆此篇以展

瞻禮

五濁之世塵冥冥達觀栖心於此經但用須彌藏

芥子安知牛跡笑東溟王公吐辨真無敵顧氏傳
神寶有靈今日淨開方丈室一飛白足到茅亭

謫仙吟贈趙道士

補

汗漫東遊黃鶴雛縉雲仙子住清都三元麟鳳推
高座六甲風雷闕小壺日月暗資靈壽藥山河直
擬一作常值化生符若爲失意居蓬島鼇足塵飛桑樹
枯

同鄭相并歌姬小飲因以贈獻

一作杜丞相筵中贈美人

裙拖六幅湘江水髻聳巫山一段

一作雲風格只

應天上有歌聲豈合世間聞曾前瑞雪燈斜照眼

底桃花酒半醺不是相如憐賦客肯一作教容易

見文君

醉後贈馮姬

黃昏歌舞促瓊筵銀燭臺西見小憐二寸橫波回
慢水一雙纖手語香弦桂形淺拂梁家黛瓜字初
分碧玉年願托襄王雲雨夢陽臺今夜降神仙

寄長沙許侍御

二一作年文會許追隨和遍南朝雜體詩未以綠

毫還郭璞乞留殘錦與丘遲竹齋琴酒歡成夢水

寺煙霞賞對誰今日秋風滿湘浦只令一作搔首

詠瓊枝

寄張祐

祐亦木面類
寄卷相間

越水吳山任興行，五湖雲月挂高情。
不遊都邑稱平子，只向江東作步兵。
昔歲芳聲到童稚，老年佳句遍公卿。
如君氣力波瀾地，留取陰何沈范名。

長沙春望寄涪陽故人

清明別後雨晴時，極浦空顰一
望眉。湖畔春山煙點點，雲中遠樹墨
離離。依微水戍聞鼙鼓，掩映河橋見
酒旗。風煖草長愁似醉，一作醉行吟
無處寄相思。

湘陰江亭寄友人

湘岸初晴淑景遲，風光正是客愁時。幽花暮

一作夜

落騷人浦，芳草春深帝子祠。往事隔年如過夢，舊

遊迴首謾勞

一作追

思。煙波自此扁舟去，酌酒聯文

杳未期。

望月寄人

一作懷友

浮雲卷盡月朧朧，直出滄溟上碧空。盈手冰

一作水

光寒不濕流天素彩

一作影

靜無風。酒花蕩漾金罇

裏，棹影飄飄玉浪中。川路正長難可越，美人千里

思何窮。

留別馬使君

俱來海上嘆烟波君佩銀魚我觸羅經國才微甘
放蕩專城年少豈蹉跎應憐旅夢千重思共愴離
心一曲歌唯有管絃知客意分明吹出感恩多

請告南歸留別同館

中元作

一點燈前獨坐身西風初動帝城砧不勝庾信鄉
關思遂作陶潛歸去吟書閣乍離情黯黯彤庭迴
望肅沉沉應憐一別瀛洲侶萬里單飛雲外深

送崔史君蕭山禱雨甘澤遽降

謝公一拜敬亭祠五馬旋歸下散絲不假土龍呈

天矯自然石鷲起參差預聽禾稼如雲語應有空
濛似霧詩已向爲霖報消息潁川徵詔是前期

送于少監自廣州還紫邏

鳴臯山水似麻源謝監東還憶舊

一作故

園海嶠烟

霞輪逸翰洛川花木待迴軒宦情薄去詩千首世
事閒來酒一樽明月中書見顏范始應通籍入金
門

送唐侍御福建覲兄

桂枝攀盡賈賢才霄漢春風棣萼開世事綸言傳
大筆官分鴻序歷霜臺關山翠卉迎飛旆越水清

紋散落梅到日池塘春草綠謝公應夢阿連來

送陶少府赴選

陶公官興本蕭疎長傍青山碧水居久向三茅窮
藝術仍傳五柳舊琴書跡同飛鳥栖高樹心似閑
雲在太虛自是葛洪求藥價不關梅福戀簪裾

送蕭十二校書赴郢州婚姻

蓬萊才子卽蕭郎綵服青春卜鳳凰玉珮定催紅
粉色錦衾應惹翠芸香馬穿暮雨荆山遠人宿寒
燈郢夢長領取和鳴好風景石城花月送歸鄉

古樂

府有鳳兮
歸故鄉

送隱者歸羅浮

春山杳杳日遲遲，路入雲峰白犬隨。
兩卷素書留

貫酒，一柯樵斧坐看棋。
蓬萊道士飛霞札，一作消

遠

一作聞
苑非

仙人寄好詩，自此塵寰音信斷。
山川風

月永相思

送秦鍊師歸岑公山

一作和張
舍人送

仙翁歸臥翠微岑，一葉西飛月峽深。
松徑定知芳

草合，玉書應念素塵侵。
閒雲不繫東西影，野鶴寧

悲傷

一作

去任心蘭渚，蒼蒼春欲暮。
落花流水怨離

琴

薛侍御處乞靴

越客南來誇桂麋良工用意巧縫成看時共說萊
萸皺著處嫌無鶴鶴鳴百里奚身悲甚似五羊皮
價敢全輕日於文苑陪高步贏得芳塵接武名

哭郴州王使君

銀章朱紱照雲聰六換魚書惠化崇瑤樹忽傾蒼
柏下作滄海裏醉鄉翻在夜臺中東山妓逐飛花散
北海樽隨逝水空曾是綺羅筵上客一來長慟向

春風

哭小女癡兒

平生未省夢熊羆稚女如花墜曉枝條蔓縱橫輪
葛藟子孫蕃育羨螽斯方同王衍鍾情切猶念商
瞿有慶遊負爾五年恩愛淚眼中唯有潤泉知

和吳中丞悼笙妓

麗質仙姿煙逐風鳳凰聲斷吹樓空多情草色愁
還綠無主杏花春自紅墮珥珠芳樹下餘香漸
滅玉堂中唯應去抱雲和管從此長歸阿母宮

重經巴丘追感開成初陪故員外從翁詩酒
遊泛作

昔年高接李膺歡日泛仙舟醉碧瀾詩句亂隨青

草發

一作落

酒腸俱逐洞庭寬
浮生聚散雲相似
往

事微茫
夢一般
今日片帆城下過
秋風回首淚闌

干

九子坂

一作坡

聞鷓鴣

落照蒼茫
秋草明鷓鴣啼處
遠人行正穿屈曲崎嶇
路又聽鈎輅格磔聲
曾泊桂江深岸
雨亦於梅嶺阻歸程
此時爲爾腸干
斷乞放今宵白髮生

七言排律

人日梅花病中作

去年今日湘西寺
獨把寒梅愁斷腸
今年此日江

邊宅臥見瓊枝低壓墻半落半開臨野岸團情團
思醉韶光玉鱗寂寂飛斜月素手亭亭對夕陽已
被兒童苦攀折更遭風雨損馨香洛陽桃李漸撩
亂迴首行宮春景長

五言絕句

古詞

一合相思淚臨江灑素秋碧波如會意卻與向西
流

客愁二首

客愁看柳色日日逐春深蕩漾一作浩蕩春風起誰知

歷亂心

客愁看柳色日日逐春長憑送湘流水綿綿入帝鄉

靜夜相思

山空天籟寂水榭延清涼浪定一浦月藕花閑自香

火鑪前坐

深
孤燈照不寐風雨滿西林多少關心事書灰到夜深

池塘晚景

風荷珠露傾驚起睡鷓鴣月落池塘靜金刀剪一聲

寄韋秀才

荆臺蘭渚客寥落共合情空館相思夜孤燈照雨聲

春日南臺初晴望寄友

晴氣熏櫻蕊手漾雪滿林
三斗酒醉臥白羅岑

寄人

寄語雙蓮子須知用意深
莫嫌一點苦便擬棄蓮

心

投從叔

可惜出羣躡毛焦久臥泥孫陽如不顧騏驥向誰嘶

懷初公

不見休上人空傷碧雲思何處開寶書秋風海光寺

嘲賣藥翁

斲盡春山土辛勤賣藥翁莫拋破笠子留作敗天公

惱自澄

常聞天女會玉指散天花莫遣春風裏紅芳點袈
裟

龍安寺佳人阿最歌八首

團圓明月面冉冉柳枝腰
未入鴛鴦被心長似火
燒

見面知何益聞名憶轉深
拳學荷葉子未得展蓮
心

欲摘不得摘如看波上花
若教親玉樹情願作蒹
葭

問路穿茶竈房門映竹煙會須隨鹿女乞火到窓前

不是求心印都緣愛綠珠何須同泰寺然後始爲奴

旣爲金界客任改淨人名願掃琉璃地燒香過一生

素腕撩金索輕紅約翠紗不如欄下水終日見桃花

第一龍宮女相憐是阿誰好魚輸獮盡白鷺鎮長飢

病起別主人

益愧千金少，情將一飯殊。
恨無泉客淚，盡泣感恩珠。

桂州經佳人故居

桂水依舊綠，佳人今不還。
祇應隨暮雨，飛入九疑山。

傷幼女癡兒

哭爾春日短，支頤長歎嗟。
不如半死樹，猶吐一枝花。

讀賈誼傳

甲濕長沙地空拋出世才已齊生死理鵬鳥莫爲
災

洞庭乾二首

借問蓬萊水誰逢清淺年傷心雲夢澤歲歲作桑
田

朱宮紫貝闕一旦作沙洲八月還平在魚鰕不用
愁

題竹

頃含秋綠森風十萬竿氣吹朱夏轉聲掃碧霄

寒

蓮葉

根是泥中玉心承露下珠在君塘下上一作種埋沒

任春蒲

青鷁

獨立蒹葭雨低飛浦嶼風須知毛色異一作莫入

鷺鷥叢

野鴨

鷗鷺借毛衣喧呼鷹隼稀雲披菱藻地任汝作羣

飛

放魚

早覓爲龍去 江湖莫漫游
須知香餌下 觸口是鉤

卷終